



05501

遂甯張文端公全集卷六

七言絕句

雨中送 駕

雨滴天街晝漏長，
霧雰潤物布春陽。
滋培恰似君恩厚，

優渥均沾被萬方。

海內蒼生望歲豐，
甘霖一沛麥青葱。
玉皇今日變輿出，

雨浥輕塵到九重。

萬壽壇雨中送 駕

南山獻壽彩霞紅，
萬戶笙歌雜曉鐘。
喜溢天門佳氣滿，

張文端公全集

卷六

城雨露渥恩濃

蒙問在朝老臣僅三人謂臣及太倉王揆武進趙申喬

五十餘年荷 聖恩，
白頭啟事在金門。
天王明聖全終

始感激情深，
哀淚痕。

萬歲山

圖畫天然一翠屏，
山連玉棟白雲橫。
清風明月元今古，
盈

耳洋洋絃誦聲

內書堂在北上門內

太廟雨中陪祀

一片煙雲覆廟墀，
鶴鸞陪侍溼衣時。
上天有意消炎燠，
故

遣游龍作雨師



九天雲淨曉風清
冬日温温滿帝城
聖主臨軒親校武
持盈保泰樂昇平

志喜

尊賢養老會仙才
喜動天家賜酒盃
父子承恩同御宴
滿朝人羨綵衣回

四世褒封在一堂
七承恩命有輝光
恰逢老父嵩齡日
寮友懽騰獻壽觴

自公退食日輪斜
白髮年來感歲華
獨幸老親康健甚
手

張文端公全集

卷六 詩

二

書細字競龍蛇

堪羨天倫樂事真
康甯福壽一全人
流光十載瑤池會
又見蓬萊席上珍

陪祀 大享殿祈穀

聖主祈年大地春
風恬日霽物華新
固知天意多仁愛
盡是衢歌擊壤人

己丑元旦

望闕香煙祝萬年
暫歸旅館獨蕭然
回思戊子傳生酒
猶得稱觴父老前

祈穀壇陪祀

元臣肅靜聽鐘聲羽衛森森輦路明共竭精誠通帝座祈
年原自爲蒼生

爐煙細細曉風輕用慰勤民

聖主情一念眞誠孚上下普天歲稔起謳聲

賜硯

玉硯忻蒙賜老臣龍函恭啟墨花新文房珍重抽毫日可
有嘉謨次第陳

萬壽令節同諸臣行慶賀禮

張文端公全集

卷六 詩

三

九重喜氣滿朝堂共祝堯天萬歲長三世承恩隨拜舞衣
冠同惹御爐香

深喜天倫樂事全祖孫輝映在聯班尊年已荷千秋晏爵
序還居百職先

庚子夕月壇陪祀憶魏敏果吳北海

月壇西峙帝城邊奔走公卿劍珮連回憶當年陪祀者可
憐人世隔重泉

黃髮銷沈四十年每思遺範一愴然滿朝朱紫誇榮遇疇
與高賢得比肩

千叟晏

聖德齊天寶歷昌
法宮燕老荷恩光
微臣職愧銓衡長
啓事頻沾御案香

環階獻壽逾千叟
萬歲聲中拜聖人
澄敍官方遵訓誡
太和宇宙盡陽春

盈廷百職矢忠清
宴錫懽娛起頌聲
聖主知人兼善任

千秋萬歲樂昇平

衡鑑無能愧秉銓
知人斷自九重天
千官獻壽迎多壽

頌比岡陵億萬年

張文端公全集

卷六

詩

四

御書亭下蓮池開
竝蒂蓮花

閒心定水足徘徊
喜見蓮花竝蒂開
爲釀太和元氣早
清香風送自天來

一塵不染好根荑
迴出清波次第開
人與花香稱竝美
三生佛土夢中來

碧池印月愛風涼
亭下荷花雙綻香
喜動親顏頻嘆賞
人間

棗萼比聯芳

老親散步玉池間
四世趨從白日閒
惆悵秋風萬里別
何

年尊酒再承顏

忽聞徐州長樊大壩報險念神功默運必獲安瀾以
慰 聖人南顧之心

安流無恙樊山水屈指來朝七月天記得河工頻報賽年
年秋月照樓前

秋山吐月綠楊低乍聽雞聲向晚啼定有羽書來報喜河
平歌管燕長堤

曾記天書隆祀典褒神靈貺享千春年年河水思明德萬
古平成慰 聖人

岳武穆祠

張文端公全集

卷六

詩

五

精忠報國一身亡爲振綱常有烈光青史百年公論在牟
山羨水竝流芳

張秋曉發

五更秉燭聽鷄啼煙鎖寒林霜滿堤老圃柴扉猶未啟輕
輶已過運河西

范縣看衛河

魏流至此入清河隨地更名漾碧波子路堤傍黃水落孤
帆一片聽漁歌

太行堤

蜿蜒千里接東西保障洪流金作隄風雨歲深波浪激菱
青蘆白共淒迷

涼夜中元望雨

澹澹秋容媚曉山垂垂珠露滿田間最宜虛室清涼夜知
是雲龍帶雨還

秋後百日紅花盛開

伏盡炎蒸尙未消思離畏景上蘭橈紅花獨自嬌秋色翻
笑西風拂柳條

雨打殘花碧樹空納涼猶憶北窗風靈泉深處幽人夢一

張文端公全集

卷六

詩

六

覺羅浮日已紅

祈大士息風

秋水浮舟半月程菊花天氣過巖城瀟瀟夜雨雲帆落惹
恨石尤風又生

甲馬營前晚日紅曾傳大士有遺踪濤聲徹夜惱人意端
仗神靈早息風

祈息風立應

讀罷詩篇出廟門恬然風靜浪無痕揚舡喜氣招舟子鼓

櫂高歌對酒尊

使節五月初八夜夢見兩大人

浣花雲淡掩柴扉
鶴髮龍鐘歎未歸
細雨無聲孤館夜
可憐清夢繞庭闈

陳情誰信放歸難
衰老如何未脫冠
百歲光陰能有幾
那堪風木夢中看

行館清宵冷畫屏
夢中想見舊儀型
醒來猶在天涯外
回首月山未了青

使節駐江甯聞長孫女沒於含山

墜葉淒風助旅愁
白頭銜命到昇州
含山咫尺傷心淚

張文端公全集

卷六

七

片雲遮落木秋

老懷一掬淚
潺潺灑向遙天帶
雨斑有意西風吹
不斷殷勤爲我到含山

南旺寄富三事

指日揚帆過碧灘
南湖分水更回看
却憐昨夜深秋雨
添得人間幾度寒

梁真定祠

門外三槐蔭夕陰
祠堂深鎖夜沈沈
典型先正今何在
勁

竹高梧月滿林

夏日經通州驛

皇華驛裏逢初夏僕僕風塵度一春回首可憐經過處花
開花落幾番新

五龍口

山頭凝雪山腰雨日霽蒲帆掛順風不用櫂歌催急鼓輕
舟早已過巴東

新灘

登舟一望日平西倒削芙蓉兩岸齊亂石橫江飛白浪濤
聲日夜冷淒淒

張文端公全集

卷六 詩

八

巴東

三峽隆冬樹不凋忽逢山帶雨瀟瀟一灣風順一灣利指
點奇蹤慰寂寥

巫山

雲雨高唐原託諷痴人說夢到而今丹巖翠壁千山月照
見瑤姬夜夜心

十二峯前江水深天風引籟入松吟千潭印月清無底洗
盡雲華不染心

蝦蟆泉

初見峽中一線天青葱古樹老巖邊舟人指點蝦蟆水品
入茶經第四泉

翠壁千尋百丈溪山迴路轉野人迷蝦蟆洞口清泉水流

出巖前未足奇

見王安
石集

長壽白龍山雪菴和尚遁跡處

霜隕長陵落木秋荒煙漠漠覆山頭雪菴和尚龍山跡香
水於今萬斛流

自嘆

皤皤白髮一元臣日日瞻雲念老親及到歸來泉壤隔空

張文端公全集

卷六

詩

九

將血淚灑黃塵

連枝會

連枝重會樂天倫喜氣欣逢大地春酌酒勸酬無別語惟

將忠孝答 皇仁

耆年會

天地遽廬一夢間方瞳鶴髮老深山誰知錦里耆英會祇

得浮生半日閒

登打鐘寺山

憑高一望彩雲間水遶方城碧玉環兩岸遠峯青似染靈

光朝拱向臺山

荒煙野草探春遲
風雨銷磨少故知
若向圖經尋往跡
今無片石古人碑

弔德吾龐氏

一生心事少人知
魂傍空門覺後遲
惟有靈泉山上月
年常照碧琉璃

歲月如流去不回
性靈不昧識如來
欲知覺後三因處
春入山花依舊開

開印

張文端公全集

卷六詩

十

慚愧端揆獨坐中
金章紫綬又春風
堂前古柏靈光在
老幹偏承雨露濃

寄懋文

青燈黃卷舊生涯
清白曾傳文獻家
水遶旂山應有兆
蟾宮看取一枝花

春雪

天視斯民著意憐
預將瑞雪報豐年
高田優渥低田滿
麥秀如金榆作錢

白雲

白雲深處是鄉關酒熟花香任往還爲報曉鐘莫驚起且容歸夢到旂山

聞懋行觀歸

楓回萬里路途長稚子孤鸞枉斷腸汝若有靈應化蝶也

隨丹旆到家鄉

楊明之化作蝴蝶歸去

壽盃

日暮歸來把酒盃高年相對喜顏開不知身世怡情日到老清閒得幾回

皇輿圖

張文端公全集

卷六 詩

十一

山河一統在圖端兩派朝宗碧海寒千古幅員今廣大萬年王氣畫中看

思子

月華流影照相思風動甘泉燭淚餘露下梧桐秋氣早好憑歸雁附家書

康熙九年以前進士止餘三人

五十餘年黃髮臣祇餘三個老風塵臨軒感荷 君王問

握壁誰爲席上珍

一榜三老

政府王太倉司農趙武進予爲太宰

熙朝儒術重元臣白髮龍樓荷
聖恩海鶴精神冰雪操
一時同榜得三人

詠柳

春風吹破萬條青一氣陶鈞未杳冥
獨喜壚前饒翠色不因秋露怕飄零

初夏藤花始開

白頭留滯在天涯愁見枯藤又吐花
今歲遲開原有意晴雲一片擁朝霞

冒雨出署

張文端公全集

卷六

十一

銓衡堂下槐花落半送天邊風雨聲
却喜今朝消暑氣不須油幔出皇城

偶題

共說年年白髮新天涯猶是未歸人
盈觴壽酒稱重慶遊子應憐衣點塵

憶涪水端陽

鼉鼓因風吹爽氣高標映水發清光
龍舟舞罷歸家去蒲酒盈樽吸月香

盈樽蒲酒人皆醉野老村翁杖策遲
雙雁雲邊無信息誰

言浣水勝當時

人到清閒寄薜蘿扁舟一葉剪江波笠蓑煙雨隨時泊魚
躍鳶飛入眼多

天空海濶思何窮人在黃梁一夢中回首青山人不老萼
鱸依舊滿江東

千年文獻德陽城瑞應旂山喜氣生一片書臺頂上月照
人心地獨分明

今年海棠未開

去歲看花三月裏一春開遍滿枝紅今來不見東風暖寂

張文端公全集

卷六

詩

三

寔空庭夕照中

署中藤花六月重開

盛夏薰風到玉堂綠陰深處有微涼今年兩度藤花發瑞
應捷書奏未央

焚香五夜獨勤求早靖烽煙足解憂塞上月明馳露布策
勳喜氣滿皇州

天署新槐

墀下新槐手自栽綠陰叢裏見花開暗香浮動無人識留

取清光點露苔

早梅

大地春回發早梅一枝先向百花開清香自足留天壤豈
爲和羹結子來

署中藤花

鐵骨芳心老歲華東皇雨露潤無涯恍疑天上紫雲色散
作堦前雙樹花

閱歷年華久更香天生勁質傾羣芳羞將濃豔隨時好愛
伴清高在玉堂

七夕

張文端公全集

卷六詩

十四

鵲橋仙珮夜珊珊月挂高樓燭影殘牛女渡時風浪靜無
情銀漢水空寒

乞巧樓前奏管絃離思別怨動秋天世間多少傷心事莫
笑牛郎會隔年

春柳

麗日和風宿霧消清池玉露滴花朝新傳淑氣催黃鳥楊
柳青青蔭御橋

己亥八月二十八日夜夢見大人

極目雲山枉斷腸夜深魂夢到江鄉依稀猶似趨庭日爛

縵春光畫錦堂

重九思子

憶爾登程淚滿衣
秋風搖落雁南飛
簡書鄭重勤王事
指日功成奏凱歸

燕郊遲趙司農不至

向夕朱輪滿道橫
北風吹送夜寒生
相期不至空惆悵
獨自燕郊路上行

桃花寺

木落山空境更幽
寺門斜日照林邱
洪鈞一氣青陽轉又

張文端公全集

卷六

十五

傍桃花作勝遊

寒月霜天出鳳城
誰憐衰老繫離情
自嗟不及雲中雁
北向南賓取次行

雪鬢龐眉邁古稀
御寒猶是去年衣
敝車羸馬行人識
笑問高年胡不歸

馬蘭峪回至薊州

乘月敲門旅店開
相看盡是謁陵回
老人馬上添精彩
霜鬢冰鬚逐隊來

經林河好女塔

好女遺踪何處尋
居人指點在荒岑
無勞下馬披殘碣
月印林河已了心

平安

王母瑤池望月時
風聲不撼萬年枝
青精香羨人長壽
聚窟風輕花落遲

樗

散材虎目免雕鐫
不幸之中得保全
獨怪香椿名更大
春秋兩度八千年

棟樹

張文端公全集

卷六 詩

十六

見說蛟龍畏棟花
移栽何不向江涯
更聞彩鳳來求實
人羨朝陽第一家

萬壽菊

風雨崇朝滑路斜
老人愁坐在天涯
夜來却有還家夢
喜見庭前萬壽花

興州道中聞夫人恙愈

皓首何能得自如
塞垣歸旆是秋初
細君無恙邀天幸
竟獲相隨入故廬

古北口遇雨

斜風細雨日相催，黍穗蒺藜花眼暫開。
萬里秋聲天外意，斷橋流水石邊苔。

堯亭古柏

孤幹亭亭塞上稀，高枝密葉影相依。
霜風眾木凋零盡，依舊長青蔭夕暉。

石匣

石匣城邊月正明，一年兩度數歸程。
昔人藏劍知何處，碧落秋空露氣清。

仙鶴

張文端公全集

卷六 詩

十七

認人眼睫有靈毛，獨立瑤池意自高。
萬里摩天珠樹宿，一聲清唳徹雲霄。

憩三家店大士菴老僧稱張趙二公天下知名

露殘空夜獨奔馳，白髮悽然不自持。
司馬何因名尚在，荒村老叟也都知。

南天門瞻禮大士

天闕慈雲仰更高，大千世界望鈞陶。
此時一灑瓶中水，煦育枯楊長綠條。

柳

舍煙帶雨映前峯
嫋嫋遊絲落照中
劉琰丹陽尹當年廳
事樹每因清德想高風

庚子七月二十五日出塞偶作

白花綠葉未經寒
風動微香零露團
點綴清秋新氣象
天然一幅畫圖看

勿藥

鶴髮齊眉二老人
歷官中外總清貧
家園萬里歸何日
相對如賓轉自親

庚子中秋憶懋文昆弟

張文端公全集

卷六 詩

十六

西來爽氣曉煙輕
燭影文光共愛晴
遙意蟾宮折桂客
捷音指日出層城

兄弟翩翩入錦城
凌雲健鶻欲爭鳴
秋風丹桂攀援處
先作霓裳第一聲

鎖院沈沈曙色清
光芒文陣勢縱橫
完場已及中秋節
應向宮花早報成

文星下界影先翻
炯炯紅光矯首看
舉子當年今在者
白頭

冷落署一官寒
羅士柏秋曹主事

回首當年辛苦地
青燈五夜一豪吟
今來西望蓉城月
露

冷蓮房何處尋

明遠樓中噴異香文昌下降擁輝光當年嘉瑞非無應皓

首空憐歲月長

已酉文場秋夜士子江公葉羅士柏見文昌帝君現明遠樓上

萬里駿

昔年出使俄羅斯萬里馳驅一駿奇步影追風堪足比功
成應不數青獅

逸足超羣驥子齊草枯井竭向風嘶歸時行盡流沙路猛
氣驍騰在碧蹄

奏凱新從紫塞來關門驚喜得龍媒誰知韓幹丹青妙畫

張文端公全集

卷六

詩

十九

入麒麟生面開

大地風輕入四蹄超騰曾向玉關嘶可憐淮上催花雨一
夜飛英踏作泥

庚子九日

徹夜西風聲勢狂曉來人說是重陽如何氣候遲時令菊
滿籬邊不放香

秋風楊柳葉梳黃冷露無心菊正芳造化一般榮悴異誰

將消息問穹蒼

梳柳本柳條風脆已梳黃劉炳句

中州蓬土靈芝

中天寶氣聚嵩邱化作靈芝不記秋出自土中香撲面蟾
蜍瑞應萬年留

西藏既平喜兒子凱旋有期

一掃煙塵萬里清星馳露布入重城蕩平絕域 龍顏喜

朝野懽欣聽凱聲

予子凱旋應有期白雲悵望莫與悲仁看朱夏歸來日正
是黃香扇枕時

哭大司農趙松伍同年

如公福澤古來少清白聲名天下知全受全歸無恨處龐

張文端公全集

卷六

詩

二

眉皓首到瑤池

共銜 君命出金鑾鎖院沈沈玉漏寒剪燭論文深夜裏

一輪明月照欄干

馬蘭峪裏雪花明二老連鑣待曉行回首可憐成往事斷

鴻孤影喚愁生

廣渠門外聽悲歌歸傍青山繞孟河世事百年終有盡獨

留遺愛楚江多

戴村龍王廟祈雨立應

靈應龍祠不記年齋心虔禱意愴然一犁甘雨隨時降瀾

我東人萬頃田

戴村壩

汶流不許歸東海引入南湖運白糧千里帆檣明月夜薰
風吹送棗花香

曹縣湯王陵廟禱雨立霈

桑林應禱有遺音千古猶傳濺澤深廟祀何分偃與毫由
來直道在人心

仰承 宵旰愛民心疾苦愁聞淚滿襟天上英靈如有在
曹南何異禱桑林

張文端公全集

卷六 詩

三

曹南爲喜沐神麻一雨能消萬姓愁敢謂精誠昭感格天
人自古氣同流

有淪淒淒起頌歌隨車珠玉滿城多黃雲翠浪田家樂到
處耕鋤雨一蓑

雨夜

甘雨及時催稻花隨風入夜點平沙東陂南陌通村路割
盡黃雲萬億家

三伏炎氛鬱不開陰雲含雨却低回徒嫌統扇無風力盼
望雷聲送雨來

雷聲忽送迎秋雨洗盡炎蒸未覺遲靜夜涼風生爽氣老
人穩睡五更時

清貧

清貧一念永無差自在安身卽是家斗室不慚酣睡穩焉
知人世有榮華

送人

天涯相送難爲別况復情深憶故鄉珍重前程俱萬里還
期鳴鳳在朝陽

柳

張文端公全集

卷六 詩

三

靈和殿下護春煙想像風流二月天移向離亭分手處依
依青影落尊前

卽景

雙飛燕子舞林塘漫捲湘簾入畫堂牘有看花春興在海
棠吐豔欲生香

莫愁湖

龍盤虎踞號神都厭氣埋金柱自愚何似魚磯垂釣叟一
蓑煙雨莫愁湖

清閒

鶴髮蒼顏一老臣
炎天未暇息紅塵
何時高卧幽窗北
得作清閒自在身

貢院百日紅

託根不作柳藏鴉
獨秀嫣然映晚霞
赤日晴曛顏色好
誤疑春醉海棠花

夜雨

一枕清涼減百憂
不知日影上簾鉤
鐘聲驚破黃梁夢
空羨人間有莫愁

殘紅宿雨帶輕風
點綴東籬花氣濃
春意中含秋意在
何

張文端公全集

卷六

詩

三

須零落始知空

秋風應候滿林皋
晴日蒸紅映絳袍
朝望山中雲影散
漁舟江上逐輕濤

辛丑季夏三日

七十三齡歲月長
思歸未遂鬢如霜
一生淡泊無憂懼
樂得清貧晚更香

嘉惠廟禱雨

重掃雩壇更薦馨
精誠一念感千靈
可憐億萬蒼生苦
引領滂沱應畢生

紅梅

一枝濃豔向春芳
醉入東風映曉妝
不作桃花貪結子
託根到處有清香

齋宿容臺歸夢

齋宮獨夜正思鄉
月色朧朧照玉堂
魂夢不知歸路遠
臨風直到遂州陽

思鄉

鬱鬱無聊爲憶鄉
夜深歸夢到華陽
相憐唯有川前月
不厭清貧照北堂

張文端公全集

卷六 詩

三十四

沙市

感事興懷一愴神
楚王勝跡等飈塵
多情最是西江月
依舊清光送旅人

再過荊州

楚水悠悠蕩月明
輕舸兩度暗傷情
垂楊不解含哀意
依舊飛花點客程

秋日感懷

潦倒鄉心此倍生
秋懷無處不傷情
那堪薄暮孤舟裏
更聽蕭蕭夜雨聲

下弦月

嫦娥昨夜罷紅妝
淡掃蛾眉朝玉皇
擲却玉梳尋不見
西風吹罷碧天長

桓侯廟

銅羅古渡蜀江東
多謝君侯賜順風
愧我輕舟無一物
揚帆載石鎮空舂

秋水封峽蜀舫不得進余禱於江神是夜水退

黯淡關河嘆絕裾
滿江明月夜窗虛
扶持全仗神功力
一夜水消三尺餘

張文端公全集

卷六 詩

三五

峽行苦雨

東川一路宿沙頭
曉夕江干雨未休
莫道天公晴日少
恐將孤月照人愁

筒酒

水月松風相與清
江城濁酒復同傾
醉眠好作還家夢
遮莫鄰雞報五更

旅夜書感

天末城西古萬州
煙波無際碧雲愁
三軍不作刀環夢
一夜鉦聲遶戍樓

泊鳳凰灘

江光晶晶水雲輕百丈灘頭月正明回首荆南人已遠秋聲處處喚愁生

石竇磯

平明別淚灑行舟山自無情水自流薄暮鄉關何處是滿天風月上江樓

平都山

山光漠漠夜雲輕仙井三更月正明一自方平乘鶴去時人豔說有長生

張文端公全集

卷六

詩

三六

訪何羽聖不遇

涪江秋水碧雲空霜葉楓林也自紅惆悵故人何處去鈎深堂在月明中

大渠夜泊口號

無邊落木送殘秋愁聽寒濤急水流今夜不知何處宿長江萬里一孤舟

懷兩弟二首

瀟瀟風雨泊江干吹落桃花滿地丹雁影悠悠雲外盡思君何處倚欄干

水國風生棹蕩香夜深微雨入船涼憶君遙在孤舟裏愁
聽渝州清漏長

雲安道中
鳥啼芳樹促飛花麥隴青青曲徑斜夾岸松篁迷去路炊
煙起處有人家

韓忠臣祠

秋夜澄江月正明沙場燐火傍風生東流不盡忠魂恨萬
古潺湲皖水聲

紀夢

癸巳正月三日

張文端公全集

卷六

詩

三七

昔年曾向帝城遊孤負青山十二樓莫問桃源題詠處風
光依舊水東流

宿舌口

青山面面欲相留慚愧春風月下樓十里鶯花啼不住片
帆早已過沙頭

旅店口占

晴光影落半荒臺楊柳春深傍酒盃春色不知離別恨山
花依舊向人開

題田家

一生受用是田家弄月吟風傍水涯
海燕雙飛看未足綠楊深處有桃花

大清河紀夢

魯國山河壯 帝都聲名文物重
寔區大清爲兆千年瑞 留與 興朝作識圖

襄縣旅館書壁

團團黃蓋照烏紗 夢入茅簷旅店家
豈是客星通帝座 漫勞先兆報燈花

白雲

張文端公全集

卷六 詩

三

白雲遙望北風寒 咏罷黃花淚不乾
長路關山千萬里 祇憑雁足報平安

金山

屹然砥柱在中流 爲障狂瀾不自由
從此朝宗歸大海 清江皓月照行舟

皋亭道中

青青陽柳弄輕柔 風惹鶯聲宿雨收
三月皋亭山下路 桃花如錦滿汀洲

雲棲

流水高山夏日舒蓮池曾此樂幽居斷橋碧澗清風嶺天
界煙霞好結廬

湖上

六橋風雨透紅霞一片笙簫傍水涯春到西湖偏可愛綠
陰深處有桃花

曉行曲

匹馬翩翩趁曉行關城曙色動高旌書生一紙安邊檄能
掃黃塵萬里清

老親拜

賜參

張文端公全集

卷六

詩

三九

尙方珍品到人間喜溢臣門舉首看咫尺

天顏親拜賜受恩逾重報恩難

宿重興集

孤帆一片月輪高又入中河泛暮濤今夜重興集下泊鳳
城銀漢首頻搔

中元侍

大人祭先妣

白髮嚴親捧祭觴哀余無母淚沾裳爲憐患難同甘苦未
獲安居共一堂

邳徐一帶雨暘時若禾黍成熟人民安業中有高人

棲遲洵足樂也

穩卧閒窗不讓仙開門禾黍滿莊前一犁時雨清涼夜始
信人間別有天

觀河圖

五十餘年一老翁不辭風雨在河工思親五夜心徒切回
首家園夢想中

興福院乘涼

憑高四望荳花香風送深林夏日涼靜坐片時消暑氣人
間此地卽天堂

張文端公全集

卷六

詩

三

銅奶奶廟河徙六里化險爲平喜而賦之

河海咸呈清晏圖銅工險汎獨愁予安瀾全仗神明力大
溜南移六里餘

早起持籌集眾思午時忽報大河移神靈感應昭今古萬
姓歡騰到處知

朱家莊對岸引河

欲使吳莊水勢平開渠引溜直東行神龍變化能驅水伫
聽河頭風雨聲

徐州道中

萬戶晨炊見曉煙農人共慶食爲天淮徐一路秋成好燕
子樓頭聽管絃

奉聖寺古樹

古樹難爲大厦支橫秋老氣亦神奇幾經風雨存貞幹留
與山門作護持

高郵道中

九載勞心爲治河櫛風沐雨靖洪波平成奏績民安樂感
戴堯天祝頌多

津亭不忍聽驪歌去住關情奈爾何回首淮南辛苦地愴

張文端公全集

卷六

詩

三

懷風雨淚痕多

澄城道中

歸雲擁樹滿村陰零雨濛濛馬跡深觸目黍苗將實穎觀
風莫負愛人心

大寺椿花

四月椿花滿樹開垂垂結菓向如來幾人解得南華意只
待陽回春自回

潼關

信馬垂鞭意自閒遠青惟見少華山芄芄禾黍千村秀始

識黎氓處處安

太白騎驢處

把酒臨風憶李公詩豪才氣貫長虹薦賢爲國誰堪比萬
古風流感慨中

寇萊公故里

太華間氣產萊公青史曾傳社稷功我亦高山思仰止樓
臺無地與君同

郭汾陽祠

唐室中興第一功純忠千古數英雄當年不遇青蓮薦空

張文端公全集

卷六

詩

三

老華山草澤中

趙城媧皇陵

尙有殘碑誌女皇補天遺石說荒唐亭亭古柏千年物老
幹凌雲傲雪霜

風陵河湧豈徒然潼志楊文已共傳此地媧皇留古塚誰
將真僞問黃泉

對菊

籬畔芳心迴絕塵韓公妙與菊傳神冰霜高節知難並留
贈蒼顏鐵面人

六月初三夜大雷雨

深夜無眠風雨聲曉來猶見黑雲橫幽人一枕清涼夢洗滌紅塵萬種情

六月炎蒸舉扇勞綠槐靜夜捲風濤分明一枕及時雨睡起不知紅日高

余闕祠

山河破碎識忠臣百代英靈廟祀新直爲綱常存萬古芳流青史有傳人

癸巳冬齋宿署中

張文端公全集

卷六

詩

三十四

風送雞聲雜曙鐘嚴宵寒氣滿齋宮陽生冬至子之半一日光添一線中

歲寒草木凋零盡獨有孤松映雪青天上栽培因篤厚溫溫冬日照巖扃

萬里駿

出使俄羅
斯名馬

畫圖出使指邊陲萬里平沙匹馬隨今日軍回非辱命金鞍神駿漢官騎

癸巳歲暮感懷

登第今逾四十年舊遊漸覺少英賢歲寒惟有六君子

安

溪太倉太宰司
農崔王兩卿貳鶴髮酖顏轉自憐

三百人中最少年頗思倔強步前賢今來圭角銷磨盡夙
夜偃僂玉殿前

大羅天上榜開時各折蟾宮桂一枝老去不堪回首憶同
朝白首更伊誰

趙郎中宅碧桃盛開

碧桃雙樹倚簷生坐愛風光眼倍明豈爲妝臺添喜氣故
將豔色媚春晴

銓部藤花

張文端公全集

卷六

詩

三五

忽見繁花綴碧枝蒼然古幹不凡姿春風先到天官署散
作清香滿鳳池

綵衣亭藤花

又覩花開傍小池依然去歲介觴時今年獨作望雲客寂
寞清香飄晚颺

署前藤花盛開口占

紫蕊繁枝繞玉堂春風乍拂動幽香挺然不變凌霜節剩
有清陰映夏涼

雨後芍藥鮮妍可愛

夜雨溶溶點嫩黃朝來淑氣媚紅妝薰風盡掃狂蜂蝶獨倚朱欄一片香

杏

董奉栽成滿樹黃天中初熟得新嘗仙人更有延年術不獨春芳泗水堂

椿花

香餘葉老惜春回一樹繁英媚日開留許枝間如白晝兒童錯認梨花來

五十年前錦里花

曾於李宅見之

今來獨自憶京華大椿喜報入

張文端公全集

卷六 詩

三六

千歲留與天朝國老家

大人去年居此椿花開盛

梅花

老幹花開逗雪遲芳心料得少人知商家有日求調鼎好向絲綸閣下移

經景州

雪淨無塵夜氣清春風先到廣川城人間漫說三眠柳獨背寒燈聽漏聲

奉使南行新城逢元旦望闕行慶賀禮

玉階元日擁千官拜舞朝天萬國懽仗節老臣心戀闕每

依北斗望長安

甸臺遇長子北上

仗節南行復命遲青燈孤影鬢如絲獨憐天上蛾眉月偏
照團圓三五時

春度齊河已散寒東風晴暖報平安行囊惜少胡威絹父
子關情制淚難
萬里雲霄路不迷鳳凰容彩異山雞羽衣還有將雛樂阿
閣巢成一處棲

峒山古柏

張文端公全集

卷六 詩

三七

遠山沿嶺自成林歷歷嚴霜歲月深那解移情憐翠柳春
來不改歲寒心

新春見梅花

亭亭吐豔作年芳不畏青霜裊裊香陸凱不來誰贈遠義
山空自斷離腸

人日過泰安

泰山福地逢人日得意春風動彩毫莫訝巖巖多氣象中
臺望重本來高

經齊河蔣節度寄春醪

東行那得酒如泉
擁被焚香夜未眠
一醜芳醪春色老
談經猶自憶彭宣

王祥故里

沂州

當年預識三公貴
解道呂虔贈佩刀
今日庾郎最年少
莫言草色妒青袍

楓橋

閨門闐闐接楓橋
幾度經過水月遙
今日重來憶張繼
暮煙疎雨草蕭蕭

元宵

張文端公全集

卷六 詩

三六

元宵燈火九衢開
薰動陽和淑氣回
今夜驛亭高處望
一橋明月照行臺

輓總漕郎少司馬

寒盡春宵月正高
懷人新淚濺征袍
轉漕此日需材急
風雨何人不憚勞

行臺後園梅花雨後春寒尚未放香

雨肥紅綻尙含香
欲待東風透晚妝
可要燒春

成都酒名

承暖

玉盃一盃長對鬱金堂

晴日梅花

風動梅花滿院香先春獨自占年芳中天雨露承優渥不信離人有斷腸

尋芳無處醉流霞獨夜空庭一樹花正憶遊春光福路畫船簫鼓遶村斜

駐節蘇臺夢見 大人

仗節南行已仲春天涯猶是未歸身姑蘇臺上清宵月萬里西風夢老親

開山井

百尺鑿山得石泉世衡清澗美無前於今又見忠臣蹟

張文端公全集

卷六 詩

三十九

虎牽絲汲井還

惜紫薇花

白露秋深雁影單紫薇花剩兩枝殘多情未許風吹盡留待來朝仔細看

枇杷

林香不畏荔枝欺名品由來備四時茂苑城邊稱碩果梵雲回首嘆歸遲

蘇臺五日棟花香東洞庭邊枇杷黃爲憶赤巖山下樹空垂葉露在窮鄉

櫻竹杖 塾江銅梁川東皆有

聞道邛州生瑞竹天然拄杖老翁持仙人九節今須得直道猶存不用疑

憶景洪字先生

早年折桂帝城遊不覩音容五十秋聞道君平多道術清風明月自悠悠

蘇州行館夢龐德吾先生

曾飲梨花酒一壺當年徒步到皇都自言流落江湖久寂寞人間一老夫

張文端公全集

卷六 詩

四

萬里蘇臺入夢頻生平義氣足通神魂歸雁塔春山綠屈指靈泉第一人

羊叔子故里

清德懸魚食報豐誌傳折臂出三公芙蓉列障依然在冷落荒煙蔓草中

桃

爲想延年結愛深瑤池獻壽重如金歲星歸去虛惆悵可要移根到上林

杏

忽見杏花開滿林松醪相對灑煩襟曲江園裏神仙會忍
負青雲一片心

小園花色媚春深近砌初開應候新終笑朱陳千萬樹題
詩惟有姓蘇人

夏鄉十三屯雷雨

電繞雷驅捷有神翛然一雨浥輕塵須臾霽月當空照天
祐蒼顏白髮人

勞勞歎

老氏修真儒踐形俱從安穩得長生勞勞晝夜無停息何

張文端公全集

卷六 詩

望

暇崆峒問廣成

十五日二更至四更未休

饒陽道中思六飛

路出饒陽憶髯公花封名在鶴琴空春風回首峩眉月影
落平羌江水中

贈趙雲龍

曾是當年治水人功高疏鑿亦愴神歸來白石蒼松下海
濶天空任養真

河行紀異

扁舟黑夜黃河裏履薄臨深更損神自有神明來助佑不

知身是險中人

蘇州行臺夢見

大人

乙未四月廿八之夕

行臺寂寞夜沈沈
白髮思親意念深
歸夢家園天性承
顏猶是老人心

黃鶴樓

辛氏樓前舊酒家
橘皮畫鶴足生涯
子安一日乘雲去
檻外空餘白浪花

弔故通判劉可聘

潼水棠陰尚滿林
除殘聲價重如金
冥途應有秦臺鏡
照

張文端公全集

卷六

詩

望

見憂民一片心

大夫亦有刑于化
少婦猶能死故墟
泉路悠悠何限恨
黃

昏風雨夜啼烏

夢傅太宰

紫薇爛縵露華濃
明月流輝兩地通
征雁懷人秋水隔
夜來有夢逐西風

紫薇花

綠陰深處夕陽斜
爛漫還開兩樹花
晴日午風偏覺媚
紅

霞一片落誰家

大文 七月廿八辰入夢

蹇蹇王臣昔著聞立朝正色欲超羣平生心事何能了留
得西湖一片雲

翠鳥

一片空明水月光碧梧紅樹映池塘銜魚翠鳥欄干立也
愛南園草閣涼

蜀事

雀喧斜日樹驚秋繡輓雕鞍不自由誰是綉巾羽扇客木
牛流馬也生愁

張文端公全集

卷六 詩

四

閏三月初八日夢中彷彿南屏山下 大人衣冠如

平日安步前行中間一使者五叔隨其後予訝使
者何僭也旁一人云乃叔精靈聞有諭祭來同享
非在世凡體使者未之見也覺而悽然賦此

一醜黃封灌地香精靈如在酌言嘗金莖玉露幽明重罔
極恩深淚萬行

寂寞殘更燭影紅天親相見樂無窮銅臺漏盡天將曙覺
後方知是夢中

扶筇

新得仙人九節杖相扶欲上最高峯終焉未免兒童笑何
不山中作醉翁

田家 荷鋤隴上自相親饁餉田家作苦人自有壺漿供笑語新
經靈雨浥輕塵

禾黍芄芃願不違銜泥燕子繞樛飛閨中少婦條桑去攜
得盈筐趁早歸

懷柔道中

環山雲霧鑱崔嵬雨漲寒泉浸綠苔遠望平疇葱蒨色新

張文端公全集

卷六 詩

四四

涼爽氣襲人來

夫人七十壽

淡泊生平樂在中榮膺冠帔自雍容兒童未識夫人貴不
改儒門布素風
南湖水靜夜無煙開徧蓮花馥滿天未得移來將壽酒舉
頭遙望白雲邊
兒孫幸有紹書香雖乏田園也不妨但荷 主恩許歸去
一帆同慶得還鄉

江南別去十經春老態年年白髮新回望故鄉歸不得相

思俱是夢中人

宦情早已歎飄蓬那及江邊一釣翁五畝未營林下宅不知何地傍雲松

新開嶺白雲

深山雨後氣猶寒拄杖登臨未覺難今日憑高無限意白雲看罷倚欄干

懷歸

天心若欲解離傷那怕江邊道路長指日西征飛報捷

主恩應許早還鄉

張文端公全集

卷六

詩

四十五

一間房見山光

雨餘驛路淨紅塵月落風涼似早春忽見山光醒客眼白雲深處更無人

重經山店有感

曾憶黃花過水濱兒童慣見往來頻青山繞舍依然在迎客門前少一人

讀孫冕七十詩有感

七十風光嘆轉蓬應謀泉石作愚公莫將天下清閒福一掉煙波讓釣翁

碧桃 經壇鄰家

呼嵩祝壽萬人家羣坐經棚到日斜
回憶十年人事改空餘庭下碧桃花

喜雨

靈雨濛濛潤物深三農早見遂歡心
懸知南畝分秧處陌上垂楊籠翠陰

悼懋行

落雁堦前月影深如何掌上一珠沈
精魂應悔迷真性悽切萱堂白髮新

張文端公全集

卷六 詩

四六

祈穀壇陪祀

己亥六日

萬里無雲天氣清暖香繞殿日初明
和平九奏來神聽祥報豐年到鳳城

走馬燈

燈月交輝照客衣鈿車香騎走如飛
吞花臥酒誰行樂留住春光不放歸

阿喜塞口

巴塘雲影日悠悠黑水金沙繞塞流
一夜悲風搖草樹千山明月照江樓

對藤花懷富太宰

白髮朝回入署中
藤花相映綠槐濃
清香滿座同誰賞
人在雲山第幾峯

丹心切切効精誠
大厦焉能獨力成
試問銓曹誰共濟
山公啟事舊知名

新正入朝

曙鐘初動正陽開
北闕晨趨劍珮來
喜遇晴光迎暖日
紫薇佳氣映三臺

通州道中大風

張文端公全集

卷六 詩

四七

雞鳴戴月踏冰河
風起邊隅冷更多
誰似山中高士卧
每從枕上聽樵歌

和少司馬蔣雨亭駐節金沙江上原韻

金沙江上駐高旌
慷慨臨戎報國情
一掃煙塵應計日
歡聲萬里奏清平

增竈量沙此日稀
騰懽軍士不言饑
須知上將抒奇策
獻捷金門有賜衣

歲暮憶子

關塞風霜拂曙袍
馬前唯見雪風高
男兒到此心偏壯
勿

負人中一世豪

凱歌

先取巴塘向北行軍威直到藏王城雪山回首低如屋喜
見荒原春草生
皮船也自渡江河得勝連營盡凱歌欲挽銀河天上水從
教西去作恩波

囊橐餼糧載滿車飽騰士馬盡歡娛弔弓仰視雲中雁露
布同時寄捷書

旗隊紛如錦繡堆銀鞍金甲抗聲回天風淨掃西河路早

張文端公全集

卷六 詩

四六

向金門獻捷來

合州冷泉

碧山綠樹隱雲端兩派泉分旱不乾寂寞金魚遊泳處無
人知道此寒泉

懷劉了菴先生

當時遺筆在溫泉蘚迹碑痕亦可憐惆悵無人爲拂拭雨

香雲淡自年年

空見巴山渝水長舟人指點是公鄉更看萬仞煙霞外綠

樹紅花照夕陽

又題溫泉

獨尋春色上高臺
鳥語花香淑氣回
洗盡人間無垢體
滿天風雨一時來

官灘溪

碧山重疊暗青雲
風送禽聲入耳聞
溪上楊花飛似雪
扁舟一葉趁斜曛

修竹深林遶徑迷
馬遲路滑怯春泥
行人憔悴無甯處
却恐寒山日向西

綠樹紅花伴紫蘿
白雲無奈別離何
可憐衣帶盈盈水
從

張文端公全集

卷六

四九

此舍愁日更多

慶元山

他日歸來第四臺
獨尋春色幾徘徊
五文錦上分明見
好向觀音瓶內開

暮春歸赤巖舊居

白首還鄉故舊稀
桃花落盡李花飛
玉屏山下森森柏
不改清陰待我歸

壬戌春余同二三兩弟侍

先大人遊大佛寺見席

文襄公及虛山送季弟海山謫判夔陵詩今遵

旨假滿還京重經此地撫今追昔不勝感愴次石壁元韻

苦憶靈椿老樹花春令逐隊舞晴沙今來勝迹無尋處惟見飛鴻帶落霞

漁磯

茅屋雞鳴莫厭聽籬邊風靜落花輕一竿煙雨蒼苔溼好向漁磯穩處行

舟次華容界夢見趙司農

何事舟行夢見君依依猶似附青雲醒來却是華容路流

張文端公全集

卷六

李

到金山水自分

賜金莊先太傅公舊宅白首歸來瞻望白雲渺渺音

容不可復識不勝感愴

今朝何幸識漁磯多感君恩暫許歸他日山靈應笑我

又承寵命入黃扉

交河蓮窩偶題

高閣清涼堪避暑風吹香氣襲人衣蔭床坐愛深林好倦鳥依人不欲飛

牛欄山

嵐光倒影落清潯流出雙峯直至今漫說金牛遺古迹空
教人向洞中尋

金牛古洞杳難尋野水孤舟傍柳陰六月火雲揮汗日不
堪來此聽龍吟

人日

人日晴和泰運逢白頭官舍又春風梅花雪裏香常在一
氣渾然造化中

春日重遊靈泉寺

杏花時雨浥輕塵馬踏春泥不厭貧如意歸來如意去暫

張文端公全集

卷六 詩

五十一

於林下作閒人

雍正甲辰二月十五日遵 旨回京

風雨初晴二月天行旌又上峽中船誰憐白髮蒼顏叟來
往紅塵路八千

速還黃閣承 恩重凜凜天顏咫尺前雲水茫茫三峽路
敢扶筇杖再朝天

台州縉雲溫泉

古原幽逕掩莓苔不見樓船簫鼓來今日山靈開霽色温
泉池上濯纓回

五言絕句

輞川桂花

舊移月裏樹鬱鬱傍層城池上秋風發清香滿座生

巖子陵

聞道巖灘水溶溶七里清可憐江上月偏照釣臺明

己亥除夕夢中得句

報國心思切年衰不自由欲知萬里路天際一歸舟

清明雨

清明雨應時大地報春知陌頭楊柳綠却待曉風吹

張文端公全集

卷六

五三

對司古槐

千秋孤幹在古木比貞臣飽歷風霜苦全生天地仁

水仙花

一片芳心異含香向早春與梅能傲雪先伴歲華新

夢中

隔岸高原迴荒田一葉秋往來俱未定疑是夢中遊

巫山

地有天然美巫山十二峯誰能游覽遍月引度深松

古體詩

聖主方右文遴選重館閣榮哉白玉堂清禁聞鈴索愧予
草茅姿學淺年猶弱吹竽濫木天豈云縻好爵幸讀中秘
書青藜每灼灼鳳儀當

聖朝誰不鳴且躍同官共切磋梓材加丹雘竊喜蓬生麻
敢曰雞羣鶴問予何所志所志殊落落誠意與正心甯靜
甘淡泊亦知與俗違實乃中心樂上不負 朝廷下不負
所學恥與肉食鄙易我藜與藿松柏畏爭妍圭璋豈雕鑿
浩然俯仰間不愧亦不忤願言觀太虛春風滿寥廓

張女端公全集

卷六 詩

五三

送張簣山學士還里

清河賢學士大雅衆所稱南宮拔第一燦燦垂元燈講學
續微言道統關廢興又復秉亮節意氣常峻嶒甯爲董彊
項不作蘇模稜一朝犯顏諫夫豈伴食能邱壑本素志長
嘯歸廬陵輕裝不盈輻躡屨且擔簦此心何所似譬乃玉
壺冰 元首今稱聖終當念股肱

漢川歌

去歲赴江東今年過湖北飄飄柳絮飛何似浮萍客終天
恨何深異地難爲別負米與絕裾賢豪同惋惜忽驚春草

芳啼盡子規血

集蓼篇

庚申蜀道通音書報貞吉張子戀庭闈陳情問家室維時
開滇商旌旗蔽白日朝廷正需才未許歸蓬壘瞻雲懷
肥醜出入惟銜恤啟處不敢康中心如有失閉戶對聖賢
津梁更絕迹東南民力竭財賦厪密勿移余督學使易以
蘇州缺天子重守土宸章出玉闕徵才典劇郡憂懼何
時畢單車出帝里一鶴逐清瑟舟過濟灘上饑民半啼
血慘慘高實地田廬俱漸滅暴關復重重盡是虎豹窟亭

張文端公全集

卷六

五十四

星入吳分洪水瀕蕩瀟賦疲災害並我聞心慘裂憂時崇
澹泊去繁戒覆轍清風動四野遠邇民大悅功令急催科
醫瘡肉戰慄民貧如鷓面官昏似黑漆治蘇豈無術所貴
得其實減賦選循吏三策良不拙慈烏啼幕府蓼莪篇竟
沒我心如刀割何日到天末白馬辭黃幄素車走巖穴蒼
茫奔德陽寒冰刺徹骨攀轅泣吳市制撫資行楫飄飄一
葉舟囊橐無長物萬里山川險愁聽盡白髮我行復乏資
憂深心如結慟哭江天迴悲風共憂咽陰雲慘不舒紛紛
六出雪童僕不見親怨貧非裋褐嬌兒對面啼惴惴寒風

冽除夕涉波濤獻歲馬當驛村醪薦祀事野梅堪把折慘澹情懷惡風雨中夜發人生豈鐵石甯不懷且切元宵抵鄂渚魚龍江上別聞說鄒長倩荆南方駐節白舫乘往返甯憚江湖濶雲安天邑改赤甲妖氛豁捷音西北來眞欲忘饑渴挈宅歸田里免受亂離聒云何夏水壯鳥飛不可越龍山仍羈旅極目高崒帆清名適自娛憔悴幾愁絕緬懷庾子孝澄潭照秋月荒涼白禪寺寂寞居廬闔鼙鼓聲方靜城邑固騷屑邱陵應有神喬木勿見伐哀哀憚人意艱苦難備述

張文端公全集

卷六

詩

五十五

赤壁古風

高陵不可陟極目霸圖消春濤撼塔影鼓楫過山椒悲風東北起赤壁自蕭條如殺周郎魂飄飄不可招朝看沙鳥翥夜聽鬼神慘戰場等野土歌哭任漁樵

白雲篇

五月榴花開欲然邊方舉鼓靖烽煙憔悴王孫歸興發夢魂飛越白雲巔白雲漠漠拂石城含哀遊子易傷情傷情江上風潮壯腸斷雲山萬里程眼看一春花鳥去綠水蕩漾歸何處仰天大叫驚神明陰風淒切聲相助鳥悲花白

落行人爲辛酸百年有恨憑誰愬况復崎嶇行路難四知
楊震清修苦一鶴趙公徹骨寒此際熊丸那堪嚼寫憂惟
應金鬢酌嗟哉人世大炎涼俯仰天光始寥廓麥舟贈雪
夜訪千秋意氣凌霄上誰道英雄辱泥塗竟隨砂石委草
莽鳳飛千仞碧梧棲腹心自張公侯網夷齊清風首陽高
生在商周空勞勞太真絕裾悲今古元直忠孝凌蕭曹吾
將歸去承菽水舞綵斑爛學此老君不見女媧鍊石補天
工撐拄周山使不倒

張文端公全集

卷六 詩

五十六

工... 雜... 生... 卷... 外... 應... 裔孫... 知銓

後學歐陽紹

同校字

遂甯張文端公全集卷六終



